



四佳集八

詩

芳子八

^ 16
2415
8



和
2415
18-8



四佳詩集卷之二十二

第十五

詩類

奉賀金掌令

自貞遷承

文院叅校

二首



十年重到長烏臺竊祿明時愧不才竹本無心無
曲處椒雖合口有時開中丞指佞神如草侍御驚
人疾似雷碌碌因人真自幸如今其奈阻僚陪
千載風雲際盛辰自將踈懶亦容身朝無弊事論
何事才不如人愧古人細或吹毛慙失德寬非得
體恐傷仁悠悠動輒招羣謗萬事難諧兩鬢新

再用前韻答金叅校二首

同日承綸入栢臺知君慷慨有奇才英材俱得明
時用言路還從泰道開一片忠言明皎日九重恩

四佳詩集卷之二十二

語霽威雷臺中往事煩誰記槐院偏忻獲再陪
聖代何人嘆不辰如子擣散亦全身一生已免馬
前卒百歲定非牛後人歸去田園思靖節高閑身
世愧安仁偶然有暇無公事半醉題詩發興新

三用前韻荅金叅校二首

功名不分上雲臺自哂元非濟世才悃幅已為明
主識殷勤長向故人開風塵多日頭先雪醉睡有
時鼻送雷多謝同鄰金侍御十年樽酒忝相陪
小春今已又良辰悵望田園愧此身夢裏頻成長
往客樽前應說未歸人高山偃蹇如無禮古樹槎
牙半才仁何日投簪訪故隱山中勝事也應新

寄光州李樂安同庚

調元

鄰遊今幾日遠別亦多時道阻煩長夢書來慰所
思湖南閑寂寞漢北老犇馳同甲如相見應驚兩
鬢絲

頃訪吳隱君于其第設小酌且口占二十八

字僕醉甚未暇賡和近值病患又廢吟哦今

日偶小閑用前韻作清狂老病四絕錄奉

凍梅晴雪又殘年古鼎燒香獨自眠欲喚西隣吳

隱士紙窻相對學參禪

言其清

浮生長用酒為年日上三竿且熟眠我是前身老
蘇晉醉中時復愛逃禪

言其狂

矍鑠容顏愧少年
老來功業食薰眠
幻泡身世渾無管
且作蒲團一味禪

言其老

病骨沉懸又一年
殘燈孤枕耿無眠
小娃閑事渾相笑
今見人間有髮禪

言其病

次韻洪南陽

敬孫闕里閑居詠懷五首

明倫高絕處
古栢滿庭陰
先聖遺風遠
明時化日臨
摳衣思往事
數教愧當今
樂育英材地
何人賦子衿

成均是風化
源本要深清
以我叨承乏
多時似奉盈
文王思旱麓
國子愧陽城
宿德如君在
行潦詎

測泓

道理乾坤大
文明日月亨
其於多士造
知復二人真
物議輕新進
人心重老成
予何曾小効
喜子已先鳴

唐虞精一學
道統仰前修
聖孔何生晚
衰周又末流
鳳兮空日月
麟也自春秋
鑽仰吾何及
心從六籍遊

慈母三遷教
薰陶不學知
橋門隣咫尺
闕里見依稀
時習皆籩豆
雅言是禮詩
知君自得處
道理自鳶飛

南陽有和復次韻五首

君家梨峴北路
出碧松陰地僻
人無少山登水復

臨交遊真自昔來往記如今忽得佳詩讀焚香更
整衿

興德寺樓上風流意味清綠楊腰裊紅藕臉盈
盈響屨行東郭携筇上北城知心有歡伯身世友
陶泓

幽齋吾獨坐茶鼎對彭亨竹節冰霜苦梅心鐵石
貞遣懷唯酒在愛靜恰詩成高枕時聞籟松杉半
夜鳴

一園頗幽僻小室可藏修捲箔迎蒼巖開窻俯碧
流鬢邊空日月皮裏幾春秋何日歸田去江湖取
次遊

百年已過半頭顱祇可知投書移病數騎馬訪人

稀跌宕唯憑酒蹉跎政坐詩悠悠浮世事烏兔兩
飛飛

三用前韻復寄五首

園林人寂寂庭院樹陰陰白也月須問羲之池或
臨光陰朝復暝世事昨還今萬慮俱消遣幽懷自
滿襟

圖書開一室心跡本雙清身瘦衣猶重髮稀握未
盈詩能傾筆陣酒易破愁城昨夜江湖夢孤舟漾
碧泓

一代多豪傑千齡際泰亨徒然懷慷慨不効忠
貞出處關行止功名要遂成得詩還獨笑何物不
平鳴

多生事鉉敷身世老編修納納乾坤大堂堂歲月
流官情清似水詩味淡於秋老境都無管陶潛欲
絕遊
老病是何物年來頗自知堪驚浮世事漸見故人
稀時補滑稽傳長吟歌後詩冥冥誰得慕身世愧
鴻飛

謝振威金僉樞

石山

餉鷄兒芥子

奔走黃塵兩眼昏不堪回首望田園今朝剩得村
中未鷄已生兒芥有孫

十一月十九日會于成均館領相高靈申公

左相寧城崔公坐北壁

居正

與工曹判書成

公

任坐東壁工曹參判李公

尚

成從君魚公

世謙禮曹參判金公

未濡

坐西壁同知事洪

公

敬孫

林公

守謙

禮曹參議尹公

孝孫

坐南

行學官李司成

淑戒

閔司成

貞

張司藝

盧直講

自亨

俞直講

鎮

金典籍

未璧

皆以次

列坐招諸生講五經四書講未半

上遣右

副承旨柳

暉

賚

宣醞內饌賜之領相以下

向闕四拜謝

恩講畢飲

賜酒諸公各

以次行酒酒酣聯句夜分乃罷明日詣闕

奉箋謝

恩未進箋

上先賜酒飯于賓廳

進牋又

命中官及上黨府院君韓公

明滄

昌寧府院君曹公

以文

賜讌此斯文千載

之榮幸也

居正

欲筆之於書形容盛事第以

才拙未遑李司成藏先作長律四韻二首
以寄奉讀不勝喜躍謹步韻以酬二首

多少斯文集泮宮衣冠濟濟講論同唐虞教化明
今日鄒魯詩書藹古風一代雲龍遭遇盛九天雨
露寵恩洪此時酬酢淪肌骨既醉賡謌舞蹈中
觚稜初旭報清晨再被雲需霈澤均日月容光無
不照乾坤與物以為春霞分銀甕催宣醞絲送金
盤出御珎不分榮恩稽古力終期報効於吾身

冬至日獨坐用前韻寄次公二首

璧水橋門擁學宮從容函丈喜君同皮膚淺見明
無日骨肉斯文繼有風所學何曾能取効以纖知
復愧臨洪一時長貳皆豪傑樂在茲討教育中

擁衾扶坐又良晨半醉題詩字未均風自北來見
新雪日當南至回小春瓦盆豆粥渾家樂磁椀芹
藿與客珎滿眼斑斑驚節物不堪衰暮病纏身

三用前韻寄李次公二首

憶曾朝早大明宮酬唱詩聯賈杜同頗識風流薇
掖日誰憐慷慨栢臺風言官鐵石肝心固聖主乾
坤度量洪千載自多遭遇盛賡詩魚水一堂中
大學蓋藿又暮晨功名苦晚李成均詩篇浩浩無
涯海笑語溫溫有脚春莫說步趨臺閣器深知骨
法廟廊珎致君堯舜那無術經術由來可致身

四用前韻答李次公二首

至音自合中商宮那有神交道不同疇昔畏君如

夏日胡今使我坐春風作人已詠周詩盛遵道誰
陳禹範洪復喜當年聯講席優游禮樂百年中
自將踈懶送昏晨誤被洪私雨露均報主丹心長
向日霑恩白髮又回春自知棄物溝中斷久竊虛
名席上珎一片靈臺誰得盡平生謀道不謀身

冬至次洪南陽韻

海晏千年一嵩呼萬歲三多冠才不用鵝列病難
叅老自懷杯酒貧猶儲藥函一陽又南至庭雪白
氍毹

送李生赴戎幕

藉甚益齋孫遠為戎幕容弓馬非青氍顧眄更羞
澁男兒樹功名先務宜所急行矣莫踟躕腰間雙

劍泣

聞丁丑重試同年會成工判

任

第以臺官勢

難往叅加以近患疾病瞻戀盛事不勝埋鬱

戲述甲懷錄奉僉座博笑三首

同年老憲病纏身未向華堂接後塵近日獨醒人

莫笑法星腹不酒星親

南至陽生又小春天時人事一番新烏臺正罷身

長健樽酒招邀不厭頻

慷慨當年鐵石腸老衰翻作病膏肓早知自不享

公論合醉佳人錦瑟傍

李次公用僕前日菊花盛開對月獨酌詩韻

有次見寄奉酬三首

北風昨夜吹老杉起看庭雪白毳毳天下曾聞花
出六臘前今見瑞呈三上下乾坤已包括洪纖動
植皆濡涵麟經知復書大有舉酒祝君仍大酣
我為天公醉一極眼見三白真樂哉人間已有豐
穰瑞天下皆知澤潤才四時相禪木改火二陽又
生葭動灰石鼎煎茶坐無語鳥飛更絕人不來
雪花欺我先入顛白又如面還天然纖塵不隔幾
千重殘臍欲盡今年遺蝗踪跡入深地戰龍鱗
甲飛滿天明日城東伐狐兔腰間銀鏃明似湔

再用前韻三首

烏府先生面如衫鬢與白雪爭毳毳歌後有詩是
鄭五殷勤讀書非孫三望眼渾迷霽色眩吟脾散

八清氣涵紅爐白酒亦足樂金帳羔兒從汝酣
呼娃健倒三百杯發興題詩何快哉瓊瑤字俗切
深忌鹽絮語陳非奇才天地紛紛桂花雪江雲漠
漠豆楷灰故人剡溪在何處短棹直欲去還來
我今對雪多詩顛無奈前身益浩然乾坤澄霽百
萬里風塵奔走三十年依然置我銀色界行矣訪
君玉洞天曾中了無一查滯定挽天潢瀦復瀦

奉和李次公詩韻五首

運值天寧一恩叨日接三文章慙賈董事業愧何
參栢府稀章牘芹官謾丈函虛名政安用鬢雪白
毳毳

交道皮毛少交情骨肉深雍隣今日壁榜憶舊時

金老病渾無賴嗟我自不禁蹉跎浮世事珍重百
年心
浮生身似寄老病日如年時復結跏坐真成炙背
眠風流金盞地行樂玉壺天閑或編茶譜唯須蟹
眼煎
百歲做何事長年空若嗟山高應有骨雲出自無
心未必頭全璧那堪口鑠金有懷終不淺魚鳥戀
江林
清白傳家事於詩獨不庶宜為高士識不避俗人
嫌難或刮龜背危於編虎鼻雖然曾閣筆亦復為
君拈

洪南陽用前韻見寄次韻六首

烏枝曾借一兔窟敢營三廷不孚公論臺胡飽鬼
參簿書空滿眼章疏屢封函獨愛庭前栢蒼蒼帶
雪毯
淡薄交非淺洋裁趣自深有心期管鮑無意托張
金愛子詩無敵嗟予病不禁休論浮世事鄭重百
年心
胡今空送日憶昔矻窮年老病唯杯酒安閑且食
眠歸休宜早地出處揔閑天獨坐還無事茶思雪
水煎
慣作烏臺吏難酬白雪吟才名今驥尾聲譽早牛
心誰識連城壁自憐躍冶金有詩聊遣興不必動
詞林

天地分清濁，跖隨異溷。庶是非緣好，惡得喪遠疑。
嫌處世慵開眼，憂時怒豎髯。供閑有棋博，骰子手
長拈。

還丹知幾日，鑷白已多年。攬鏡成孤笑，投衾獨自
眠。環看頭上日，幕作醉中天。長笑功名事，愁懷只
自煎。

次韻李次公見寄六首

閭闔門開九宮壺，鼓報三袞龍陞殿。坐振鷺入班
參，白日明金闕。紅雲捧玉函，退朝香滿袖。瑞雪舞
輕毳。

拙宦驚時晚，憂官抵日深。作肝會有鐵，繞指本無
金。悃悞只如此，踈狂難自禁。防賢今幾日，不去亦

何心

屢得白雪句，曾同紅藥吟。風流一時事，交道百年
心。時見揮毫玉，真成擲地金。詩名從此大，高價滿
鷄林。

光陰已殘臘，節物向新年。小作澆腸飲，時成枕肘
眠。起樓本無地，為幕會有天。百歲真如寄，何人心
苦煎。

長笑廣文冷，自知御史廉。交遊真有道，來往定無
嫌。邂逅俱青眼，衰遲已白髯。詩成聊共和，得酒憶
重拈。

身世猶今日，頭顱自昔年。未成南郭隱，聊借北窻
眠。晚節忌金地，高名愧木天。閨中有真味，白酒火

爐煎

冬夜對梅

沉沉三夜對殘缸苦覓新詩吟滿腔更識乾坤一
清氣雪和明月到南窓

兒子福慶與羣童為樗蒲戲

歲臘樗蒲聚小童輸贏終日竟何窮英雄自古亦
兒戲劉項乾坤一擲中

晝睡六言

睡枕南窓書帙夢到東江漁艇覺來半竿落日坐
對一炷香鼎

用前韻寄南陽次公兩先生六首

於時何補一有徑欲開三日問田家去時從佛殿

參光陰消釣艇身世付棋函歸計宜須早那堪鬢
雪鬚

功名衰白久塵土軟紅深鑄錯本無鐵沽時寧有
金依違真自愧歸去復誰禁多少平生策悠悠只
此心

時事異前事今年非去年功名釐千里身世蠶三
眠出處有餘地行藏休問天開懷杯盞在莫學鼎
鑪煎

何日盤中去頻年郢上吟青山曾識面白鳥亦知
心江靜玲瓏玉杭香擺亞金由來明進退朝市遠
山林

絃直何由曲泉貪不改廉芝蘭方有臭意苴枉生

嫌處世曾嘗膽談時輒起髯三年簪白筆無興手
重拈

南陽舊知己祭酒是忘年自幸叨寮案多慚伴食
眠斯文不墮地大道本於天孔孟嗟已遠有懷空
自煎

雪夜

北風一夜冷淒淒土垠如爐坐對妻月上四更推
戶出雪深三丈與簷齊

寄趙正郎木川村墅

閱盡機關鬢已絲人間成敗總如棋山林莫說功
名事萬事今來君自知

五用前韻寄洪南陽六首

幸值時千一何曾德二三栢臺慙再到槐閣憶會
參鐵券藏盟府丹書在秘函感恩訶既醉舞袖影
穆穆

識時才已拙稽古力猶深積有待價玉篋無遺子
金趺踈真所稟慷慨許誰禁白首無竒策空懷報
國心

未免紅塵累空成白髮吟簪纓多日事泉石十年
心有法能殫玉何方更化金悠悠觀物化倦鳥自
還林

漸謝麤豪氣誰催老病年有懷田舍去無興酒家
眠盤上思甘土壺中憶洞天何方能却老丹鼎也
催煎

嗜酒會傷性耽詩不害廉平生多蹭蹬造物自猜
嫌歲月熟羊胛功名捋虎髯居然又新歲蘇酒讓
誰拈

堂堂已殘臘鼎鼎感流年獨坐渾無語孤燈耿不
眠松聲風滿壑月色雪連天文武爐中火香茶細
細煎

詠雪六言二首

昨夜濃雲潑墨今朝亂雪飛絲此時密席深杯何
處短棹輕舸
包括天地無餘澤潤生靈有功會聞林藪掩瑕復
見山嶽禪崇

題竹林七賢圖

古人重此夕今我病兼貧賓客絕相訪妻兒唯共
親不成三夜睡且作兩年身明日屠蘇酒知應不
後人

次韻吳隣兄見寄三首

蜚騰暮景今除夕珍重高懷有故人病裏悠悠空
守歲明朝添得一青春
明朝當作新年客今日猶為舊歲人一刻今霄真
可惜四更鍾動還是春
六十七年五十五同隣有此吾兩人他時擬結香
山會白髮紅顏自在春

元日占除夕人韻題寄吳隣兄

由來天道起於寅人事方看故亦新
搃賣踈慵博

強健自將歡笑講同隣三杯壽酒渾家樂五色辛
盤滿眼春從此與君成二老一生天地百年人
是日獨坐有懷

千車萬馬九街塵奔走功名世態新獨坐關門睡
終日可能投刺學時人

元日夕書懷

兒童閑事喜新年歡笑團圓聒我眠我亦少年如
汝輩如今却怕雪盈顛

次李其益姨兄見寄韻三首

嵇君曾嘆七難堪卜築牛溪興已酣棄者那無畝
間十歸兮應不徑荒三須知山水工留滯未信功
名倚笑談笑我宦途頭白盡可能虎口手深探

向來賢不數山王誤晉無非若輩狂李校勤鑽是
何物區區忘世未全忘

題八仙養氣圖

瓊花瑤草滿仙壇道氣溫溫道骨寒聞說碧桃開
落盡笙鸞何地學還丹

臘月初四日是初度之辰裴將軍連寫吾真
來示有感述懷以謝

吾衰甚矣知命後皇攬揆予初度時長笑白頭妻
共老可憐黃口子全癡襟裾牛馬那能免圖畫麒麟
本不期生日對真還自笑壽杯纔罷謝成詩

裴將軍連以一兒來見年可六七歲能誦千
字宋賢詩孟子詩以美之

初看眉目認神童六七年來大義通百首宋詩吟
似水七篇孟子誦生風窺牛氣象今無敵吐鳳才
華漸見工裴氏興門應有日草萊何地不生雄

冬日何可愛

冬日何可愛負暄坐南榮温温正如玉與我多深
情時復問羲馭如何去不停夏日亦當至可畏從
中生冬日何可愛我心安且寧

臘日

今年非舊歲臘日近元宵料峭寒猶甚崢嶸凍未
消瓦盆酒初熟石鼎香滿燒忽憶杜陵句仍知暖
尚遙

除夕

世態人情百不堪紅塵蹤跡夢沉酣功名自信休
宜四身世從知去有三碧水盟鷗尋舊約青山捫
虱縱新談君家盤谷青蘊在許我何時得細探
三年臺務懶無堪歲月駸駸老病酣并底潯陽曾
復一臘前瑞雪已呈三空懷問舍安身計剛厭當
朝奮舌談聞說山中梅早放趁春歸去好深探

伯牙彈琴圖

我洋當日有知音妙在傳心不在琴一別鍾君絃
斷絕可憐猶自鑄黃金

人日書懷寄洪南陽

人日年年恰得回今年人日亦悠哉盤憐細嫩挑
青菜盆愛輕盈綻白梅興逐人間春色動恩從天

上祿牌來草堂遙憶知何在欲寄題詩愧不才
人日有雪題寄吳隱君
紛紛入日雪獨坐多所思長愧草堂老空吟高滴
詩香醪仍臘味綵勝弄春姿多病雖無賴風情尚
昔時

次韻洪南陽松京懷古四首

惆悵龍孫籙已終鴨鷄功業旋成空荒城草合傷
心碧廢苑花開濺淚紅物換星移悲歲月天荒地
破改提封百年憾慨登臨恨流水無情日自東
王顛辛蹶運長終往事悠悠一笑空柳色愁深鴨
頭綠桃花泣斷猩血紅故宮離黍長年種老屋荒
苔盡日封欲辭英雄何處問諸陵草色滿城東

麥秀詩成曲未終浮雲往事轉頭空漢宮駝泣魂
應黯蜀國鶻啼淚尚紅天地已歸三尺定山河誰
借一丸封憑君莫說前朝事江漢如今盡向東
攻遼竒禍恨難終王氣松山黯黯空黃壤英雄骨
應白青編將相面長紅秦宮鹿失乾坤換吳苑麋
遊草樹封文物衣冠今底處五雲回首華山東

次韻洪吉甫人日詩

袞袞流光知幾回浮名薄宦安在哉今年人日見
來雪昨夜春風吹到梅七灸七羹與誰共一談一
笑無人來獨酌數杯睡初熟忘憂此物多妙才
松京懷古復次南陽隴西詩韻四首
山河鐵券誓初終勝敗如棋轉手空遺恨王孫春

萱綠傷情人面野桃紅江山不語周遭在宮殿無人寂寞封憶我少年登眺處天磨西畔五冠東故國山河有始終八頭三尾摠成空深宮鬼火長年碧殘寺禪燈半夜紅丘壠今朝魂夢冷公侯當日笑談封傷心一掬前朝淚日自西斜水自東故都遺恨幾時終王氣銷沉掃地空月冷金莖露華白風摧玉樹霜葉紅可憐將相遺芳臭無復君王事禪封吊古客來增憾慨半岑寒溜響丁東龍岫山前日易終望中飛鳥沒長空雲埋秦樹荼蘼白霞護吳宮躑躅紅當日不從徒薪策今朝無戲剪桐封靈通半夜高僧語往事微茫月上東

立春二首

清曉臨銅白髮新裁成小紙貼宜春蒲頭幡勝還羞澁厭見盤中五色辛
坐對菜妻一笑新穩斟杯酒慶新春人生自有百年樂不為家貧說苦辛

寄三陟太守黃同年 允元

竹西樓下水澄涵開遍海棠紅正酣太守風流山簡後相思渺渺歲更三

上元夜獨酌

春風吹雪安排暖臘酒浮蛆漏洩香入夜月色明似畫梅花簷畔獨傾觴

哭金順叟

生別會相逢死別終古隔昨日會上賓今為松下

客淚滴孔融樽塵滿陳蕃榻傷心如見君空梁落
月色

李同年為代子為大司憲述懷錄奉二首

重到烏臺鬢已絲何人奪我鳳凰池臺風尚似中
丞日慎勿如予馬默時

臺務雲紛病未堪三年流汗洽朝衫聖恩寬許歸
閑地炙背晴窓坐睡酣

謝申同年送红柿

金盃初開見團團柿子紅軟宜消渴病甜可愈頭
風盧橘何須數張梨迥不同病餘增口業嚼破興
無窮

賀李平仲兄弟服闋除拜兼述戲意二首

韓山應不讓眉山伯仲才名載轍問聖主得人同
日用更看雙璧照朝班

陽牧文章內外孫龍喉會見弟如昆定應笑我儒
寇誤今見頭銜兩將軍時平仲兄弟
皆拜護軍

初解臺務書懷錄奉子固丈

中臺舊御史自哂多閑近立仗又慙馬借校會笑
烏難青一世眼已白三載鬚虎背得寧下高陽尋
酒徒

送同年金林川漬

悃幅金同榜會嗟屈小官端能紆郡紱亦未負儒
寇河內行應借溧陽不勝酸平生多少策去矣試
才難

平仲見和復次韻四首

小韓山似大韓山才調機雲叔仲間五鳳樓前無
敵手詩名端可古人班

當朝人物謝東山文彩風流氣象間自哂文園空
老病懶朝三月阻清班

君家白也有傳孫金弟詩名似玉昆已洗流傳江
左體不須輕比鮑參軍

小窻閑坐撫桐孫念爾能詩兩弟昆旋糴黃梁動
買酒前身白髮病參軍

三用前韻寄平仲四首

絕句清新壓半山唵來黃色起眉間平生苦乏屠
龍手那有薰香到馬班

眉山晚節擬香山置我何能兩子間十載依違終

老計白頭猶自點朝班

鷄已生雛犢已孫竹君石友弟兼昆歸田有樂無
人畫妙手終煩顧將軍

愧無詩禮遺兒孫荆樹無花少弟昆賴有同門諸
子弟詩成使寫足張軍

送申大司成同年遊湖南病未奉別

聞向湖南去春陰未放寒老知交道重病覺別離
難鵲嶺雲粘樹熊江雪漲瀾殷勤一拓酒恨不送

江下

仲春初三日大風雨晝昏

新春風雨亂紛紛病骨酸寒坐掩門且問落日餘

幾丈黑雲分暝送黃昏

次韻李僉正

瓊全

見寄詩韻三首

平生性不喜趨炎避莫春寒入弊衫竹葉穩情頻
酌酒梅花索笑共巡簷風鳴屋角聞踈雨雪盡山
顏露峭崑後圃泥深防步履小窻捫虱坐鉤簾
怪底春深雪意多吹來大半鬢邊加早知世事迷
當局未信神仙解爛柯吟怯手風書懶展老愁肺
渴酒頻賒殘年有味閑為最萬事終當付甚麼
蕭條門巷冷於冰世事深知三折肱手自翻雲還
覆兩眼看深谷亦高陵曾探虎口知何得欲刮龜
毛竟未能遺臭遺芳等閑事他年青史不須稱

再用前韻寄李僉正

轉頭時序變涼炎須把春衫換舊衫坐久輕陰生
邃壑卧聞新溜響踈簷春臺正喜訝堯壤霖雨知
應起傅崑要見池塘深幾尺朝來信手為開簾
春陰漠漠曉寒多斗覺殘年病轉加靈運無詩得
池草陶潛有徑野庭柯吾衰白髮田猶在子去青
雲路不賒從此已成終老計浮名畢竟正么麼
頭銜清似一條水勲業何曾到股肱放膽有時詩
偃蹇搜腸多日酒憑陵此心自斷三耳去於世深
知百不能愛子文章華國手盛名終古豈虛稱
寄林川金太守同年
加林山下古林州携妓登山憶舊遊似說山公新
太守習池來往亦風流

頃得來詩意謂大韓山所寄次韻錄似昨見
小韓山始知其為所贈我之誤多矣戲吟近
體一首燕呈兩韓山博笑

君家自有難兄弟老眼寧知雌與雄並駕文章軼
轍後一門道學頤顯中早知雙壁名俱重自有兼
金價至公莫怪惡詩曾誤寄頭銜兩子况相同

三用前韻寄李僉正

閑中身世付羲炎曾笑奔忙汗透衫滿路塵埃靴
綻縫一天風雨帽低簷尊鱸江上月孤艇猿鶴山
中松半巖卧夢故園初睡覺滿窓斜日轉疎簾
春風故故惱人多老病精神健尚加黃入柳條工
彈線紅歸桃萼細粘柯呼兒為說魚堪釣與婦曾

謀酒可賒明日曲江拚一醉浮生此外復何麼
冷衾如鐵半稜冰能憶當年共被肱謾擬歸來似
彭澤可憐老病如茂陵投閑置散知宜分捨此求
他也未能萬事依違空白髮只堪長笑不堪稱
高靈申領相之孫從漢擢進士糾壯元詩以

為賀二首

白眉曾識鳳毛存又繼家聲擢壯元從此箕裘能
事在盡將衣鉢祖傳孫
內外祖翁兩政丞少年魁榜見何曾慶筵勝事無
人畫桃盡長安萬屋燈

幽居

幽居是真隱盡日閑有餘可飲寬愁酒休看引睡

書移花呼客看種藥課兒鋤世味消磨盡仍知白髮踈

金子固叅判試罷出闈適有雨詩以為賀
少年學士主文時二百門生鑑別奇天故催君桃李慶滿庭風雨碧絲絲

子固有和即次韻二首

水光山色倚闌時晴好仍看雨亦奇可是東風有才思萬條楊柳燃金絲
曲樓西畔立多時雪漲方塘又一奇春意猶繁杏梢外薄雲殘照雨如絲

三和二首

承乏文闈憶舊時眼前桃李搃才奇門生門下門

生出雙鬢居然白雪絲

場中白蟻戰酣時食葉春蠶聲更奇曾與歐梅同試席詩成亦復寫烏絲

四和二首

梅花窻畔酒醒時獨坐無人月政奇此夜此時詩更好思君為我撫桐絲
亭午南窻睡覺時池塘春草夢還奇杏花消息雨聲裏街柳黃金萬萬絲

五和二首

強半青春卧病時春山多態畫圖奇廣津新漲葡萄碧明日扁舟理釣絲
田園歸興幾多時歸去知應事事奇尾甕濁醪香

可愛新蔬如玉膾如絲

六和二首

沉香亭北牡丹時醉賦詩章光焰奇五代詞臣今
白髮夢中猶自演綸絲
十二同年登俊時當時遭遇此為奇濟川亭上忘
年會會見御珎絡如絲

七和二首

仲春乍暖乍寒時草木園林生意奇大是東風薄
情者不曾綠我鬢邊絲
九十日春能幾時病懷磊落亦多奇畫堂扶醉杏
花月要遣佳人撥錦絲

八和二首

賀李金龜換酒時後身君我亦奇奇相逢依舊風
流是不覺紅塵變素絲
晚節香山結社時平生不負此心奇妾當換馬吾
將去補袞曾無五色絲

九和二首

詩肩百丈聳山時吟得推敲字轉奇腸斷春風二
三月碧空無際舞遊絲
三杯軟飽黑甜時知有青州策已奇啼鳥一聲初
夢罷半簷殘日耿蛛絲

寄友菊齋借菊移種

高齋菊幾種乘雨欲移栽杜老何嫌晚陶潛擬待
開馨香君愛德隱逸我憐才重九行當至浮黃侑

一杯

題畫猫

畫堂高處睡狸奴雲母屏前紫錦氍憶昔牧丹花
下看雙睛炯炯夜光珠

寶劍謔贈魚將軍

我有寶劍新磨礮鐵精曾泣蒼玉龍青天劃破雷
電裂黑水斫斷蛟鱷血十年金匣埋塵中霜刃未
試愁神工今日贈君初發硯青萍紫電安足評去
矣直斬虜頭還然後倚立長白山

赤壁圖

赤壁東風一餉間英雄勝敗復堪嘆江東人物周
公瑾天下兇茲老阿瞞炎鼎潛移顏已厚火船新

窘瞻應寒蘇仙行樂唯堪想月小山高水激湍

再用前韻寄李韓山二首

青檀詩禮傳家事黃甲聲名昭代雄人物風流簡
編裏文章灑噩元氣中白眉骨法終當貴黑髮功
名必到公忝主文盟能不愧一門傳鉢許君同
天壤豈虛生俊傑功名亦復老英雄男兒芳臭蓋
棺後世事升沉阿堵中已判吟瘦如工部未害醒
狂似次公耆舊清真彫落盡風流晚節喜君同

三用前韻二首

人情鷓蚌喜觀變世事觸蠶相角雄白首膠膠擾
擾裏青山漠漠休休中古人誰愛魯連子今我自
憐龐德公萬事一身已獲落風流與子將無同

中聖風流祖徐邈草玄寂寞朝楊雄乾坤納納酒樽裏歲月悠悠詩卷中何處紅塵可免俗古來白髮唯至公與君扶醉杏花月一笑佳人謔舞同

三田渡中

樂天亭下白沙路楮子島邊江水濃斜日蹇驢一鞭影推敲字迷肩聳峯

到夢村田舍

久不歸田今始到春風先我到山家山中昨夜一番雨開遍滿山山杏花

自村舍將還途中有作

晚出江郊上看看野日荒鳥飛天欲盡驢倦路偏長人語喧官渡春風送客航塵纓吾未濯多日愧

滄浪

三月三日題寄子固二首

浮生百歲五旬五佳節一年三月三昨日香風吹雨過桃花欲動杏花酣

幾憶羲之永和會空憐杜甫麗人行踏青未得東郊去浮白唯須北海傾

是日期訪景醇適有雪不果詩以為謝

知君今暇日况復是良辰白雪防歸路青春厭惡賓相逢情可既不見意還真杖屨陪難得從今願卜鄰

戲贈牛溪

牛溪春水碧於醅牛溪桃李花滿開牛溪主人獨

賞春唯有社燕雙飛來

次韻子固見寄二首

須把金樽北海深
青春有興便相尋
東風可是多才思
送盡青紅已上林
清明寒食踏青時
風雨紛紛雪更奇
佳節屢從愁病過
年年空費送春辭

復用前韻二首

日長簾幙轉深深
春草池塘夢一尋
睡覺午窗入政靜
誰知朝市有山林
官閑無事樂清時
花月狂荒亦自奇
同閑交遊良不惡
抱琴來往亦何辭

三用前韻二首

老衰猶不怕杯深
花月前頭擬共尋
自是風流真氣象
清虛寧學七賢林

花荒欲作未開時
花盡開時不勝奇
一刻千金花月夜
須調錦瑟美人辭

四用前韻二首

春回草木生意深
雨後樊川細履尋
懶病極知官况少
殘年身世寄園林
銷香古篆坐移時
心靜身閑亦自奇
復有春情禁不得
烏絲闌上寫新辭

五用前韻二首

一曲峩洋古意深
琴軒居士日相尋
相尋沽酒金龜在
賀監心知李翰林

四佳詩集卷二
三六
珍重清詩寄我時吟來字字大奇奇煩君更
思調白雪訝蕪黃綃絲

六用前韻二首

詩酒膏肓歲月深堪驚矍鑠老侵尋南窓獨坐觀
元化倦鳥猶知返舊林

江村好雨已知時三徑春風事事奇十口平生為
我累頻年空袖去來辭

寒食日獨坐占前詩同字題寄李韓山

過眼青春一瞥同今年寒食又多風暖侵竹葉仍
浮綠寒勒桃花未放紅天氣乍晴乍陰裏人生半
醉半醒中此身已覺都無事穩作南窓打睡翁

又用前韻

清明時候臘天同尚擁狐裘怯冷風客至有時呼
五白詩成亦復歷三紅日長閉閣編書裏春在巡
園步履中間說漢江新漲綠扁舟歸問釣魚翁

次韻朴監司見寄二首

端如分陝日更詠憇棠詩已有當年化寧無去後
思

可續澄清傳休訝鞅掌詩閑東頻悵望渭北正相
思

閑中書懷

既無衙早晚寧復管衣冠長醉非無事多吟亦不
閑頭顱頻攬鏡歲月獨憑闌強半一春事悠悠老
病間

三月日絕句

三月東風溥似酒今朝小雨潤於膏白頭又被青
春惱紅杏花繁碧柳綠

次金垂崖韻賀高陽領相子洞登第孫從漢

擢進士壯元前二首賀洞後二首賀從漢

白眉年少早傳經高占黃金榜上名頗識眉山兒

似父更看荀氏弟如兄摘巍科第傳家事拾芥功

名奕葉榮遠祖高陽生八子至今餘慶襲家庭高昔

高陽氏有才子八人今

一家丹桂幾枝芬玊重姮娥屢見分自古相門生

相國乃今文子有文孫一聲雷雨初登鯉萬里雲

霄已化鯤骨法端如鳳毛在箕裘勲業績續家尊

傳孫本自有葦經又向春闈策大名一榜作魁追

乃祖同時中選共難兄總知萬石皆醇謹不必三

槐獨顯榮洗眼明年龍虎榜更看詵桂照中庭

春風吹暖百花芬慶席恩光爛十分一座金貂賓

與主兩行珠樹子仍孫驚聞丹穴生雛鳳已見蒼

溟運大鯤袞袞流芳應未艾平生福履仰彌尊

次韻成重卿奉呈永川公子三首

佳人織手脩金杯花又多情自在開玉笛聲高和

錦瑟王孫行樂亦奇哉

風流仙洞紫霞杯懷抱唯須得好開好是千金一

刻夜花香月影兩佳哉

幾憶生前有限杯年年辜負好花開知白髮非

春事小醉堪憐矍鑠哉

即事

愛此無人地真成獨樂園
鵲鳴高樹靜魚戲小塘
渾躑躅紅將盡荼蘼白
政繁安閑聊自適稽首謝
乾坤

雨

何處奔雲急俄聞驟雨聲
黑籠平野去白立半天
明可忍打花落偏宜穿竹鳴
幽人本無事歌枕有餘清

次韻金子固見寄三首

青春 上挽難迴無數飛花雪
亂堆小雨池塘草
如織日長時有燕飛來

清和時節雨連天惆悵春歸又
隔年急喚小娥供

一酌海棠花下醉沉眠

飛飛柳絮闌干外續續花香几
案間睡覺午窻簾

半捲坐看南北是青山

響屐巡園日幾迴漸看紅綠
蠹成堆最憐雪色梨

花樹好待溶溶月上來

遊絲飛絮撩亂天老病風流
敵少年白髮簪花真

可笑坐來須倩老龍眠

鏡湖人去千年後赤璧名高
百載間若也更携佳

妓去風流亦不讓東山

盧贊成孝思亭次河東鄭

孝思亭在露梁頭風樹

露感鄉成棄梓歲時流鑑湖

家地自幽退食歸來多暇日倚欄

青蘊別墅碧江頭雅興登臨未罷休綠野

事業東山不獨擅風流某丘某樹會追感一詠一

觴足暢幽出郭更知塵事少飛來白鳥對沉浮

妙手須煩頽虎頭此間形勝盡難休山會北向鰲

頭聳水自分西燕尾流赤壁風烟長護惜朝川雲

物更清幽濠梁赴召今猶記復擬蘭舟月下浮

戲奉乖崖金相國

一生未作龍頭選萬事真成馬角難七榜聯芳兒

戲耳壯元豪氣渺難攀

乖崖有和次韻八首

落花飛絮撲雕闌春去堂堂駐亦難最是清和好
時節風流諸子可追攀

壯元詩妙破天擘白雪從來和亦難不分當年陪

四榜至今東閣許登攀

欲驅春色入豪端只愧吟安一字難五鳳樓前無

敵手如君豪氣詎容攀

會無聲譽振朝端晚節功名出處難位極鴻樞尊

上相泰山北斗仰難攀

惆悵春歸鬢已斑由來人說四并難池塘風絮梨

花月樽酒懽娛可再攀

可休休日未休官自信急流紅顏抵死難好在青

百尺登臨星斗手堪攀

光陰攬鏡曉頻看，駐得勇退難。只有元龍樓，
花塢風流伯仲共躋攀。

昨夜樽前列小鬟，相看脉脉語情難。醉中不覺龍
鍾極，紅袖翻時手更攀。

春歸悵然初夏漫興

春歸有底急，餘興不闌珊。暖日薰楊柳，輕陰護牧
丹。抽抽初筍角，點點小荷盤。漫興多情思，無人獨
倚闌。

雨後

小園初過雨，濃綠透窻櫺。細草抽新葉，幽花發舊
叢。閑鷓啼向晚，輕燕舞回風。漢水應初漲，歸心一
釣蓬。

夜聞雨憶江村

漠漠連江雨，青燈半夜愁。風塵雙鬢雪，湖海一扁
舟。

送權判事同年

得經休官侍親之鄉三首

百歲高堂鶴髮垂，滿懷都是白雲思。北來為上陳
情表，南望長吟陟岵詩。仕止最關親老日，聲名莫
負主明時。朝廷孝理方敦勸，捧檄君恩不日知。
去向庭闈慰倚閭，平友一笑樂何如何。曾奉養違
天，只自是情懷愛日。諸商嶺雪深猶有波。
合可無魚憑君欲和南陽什，青史終亦大書。
有母能將孝可全，立揚會顯大夫。
身上膝下斑衣戲眼前。

矣。言旋離親仕宦知。

落花

莫恨顛狂昨夜風，落花無數滿庭中。明朝留與客同賞，休遣僮奴掃地空。

雨後巡園

小雨新晴後，巡園趣自長。嫩先歸菜甲，香已到茶槍。綠竹風鳴塢，青蒲水滿塘。行行苔徑滑，屐齒宜相妨。

述懷

安閑甘老境，懶拙阻朝衙。北海思相滿，南山悔晚家。琴棋為事業，杖屐是生涯。莫說居蕭索，笙謔兩部蛙。

僧自成來訪

與師相對小窻間，盡日清談自在閑。急喚僮奴揮俗客，紅塵是處有青山。

八直金叅校讀書戲贈

繩頭細字自引，睡鶴髮老翁。長廢書時聞，隔壁讀書響。少年眼孔明，似魚

叅校有和復次韻

磊落胸中載五車，少年讀盡天下書。如今白紵將底用，欲從爾雅註虫魚。

即事

懶性閑為味，無人興自添。詩書聊隱几，簾細草工遮。徑垂楊賸

頻拈

田家吟到廣陵村

廣陵原頭大麥熟廣陵山下桑葉禿田夫打麥聲
如雷野婦繰絲白於玉當時生理稍自足復憂幸
未充租糴昨夜水田雨既膏香風翻翻秧新綠此
時耘鋤當及時大兒踉蹌小兒躍丁寧相告務穡
事慎勿坐受縣官督

四佳集卷之二十二

四佳詩集卷之二十八

第十六

詩類

書懷錄奉崔應教

淑精二首

冰蘖功名四十年立心常許古人前何人更辨持
金誤萬卷詩書不直錢
廣水澄澄碧似苔白頭悔不賦歸來數間茆屋田
三頃是處青山骨可埋

小醉有作

少年豪氣盡消磨萬事紛紛毀譽多身世早知龜
可縮門庭自信雀堪羅麒麟閣上榮名在鸚鵡洲
邊樂事加醉裏是非渾不省長詞擊走岸烏紗

題姑蘇臺圖

昔時吳王詞舞時姑蘇臺上醉西施寧知會稽愁
嘗膽胥江洶湧浮鷗夷臺荒有基麋鹿遊烏啼落
日丹楓愁功名誰似陶朱公蛾眉一泛西湖舟

題黃鶴樓圖

黃鶴樓中黃鶴遊黃鶴一去雲悠悠青山歷歷樹
高低芳草晴川鸚鵡洲崔侯傑句天地間崔侯一
去何時還俯仰歲月成古今江流衮衮無時閑

即事

小窻疎雨午涼生恰恰流鶯三兩聲老喜得閑閑
亦懶從今文墨欲藏名

述懷

世態人情薄似綃鏡中華髮白蕭蕭清貧杜甫空

耽句寂寞揚雄謾解嘲宦路不堪高馬骨行裝會
不滿牛腰石田茆屋荒三徑多事年來苦見招

漫書

南江細雨熟黃梅餅餌新香麥已胎政爾故山歸
去好瓦盆新酒潑清醅

無事

無事只堪樂有門長不開荷時風政好梅月雨頻
來道屈名為累愁多病是媒邇來車馬絕庭院長
青苔

遣懷

人間膏火日相煎敦鬱羈懷未易湔老去不諳生
有樂筭來知復酒賢杜陵瘦莫生前瘦蘇晉頻

逃醉後禪晚節始知閑處樂落花啼鳥枕書眠

歸去來篇

歸去來歸去來我嗔不歸今幾時功成不退古所
戒當局者迷吾何為柴桑高義明日月功名末路
多危機歸去來胡不歸山中有茅屋竹為籬兮板
為扉長江綠淨不可唾高山壁立埋烟霏我豈無
蘇子瞻赤壁舟我亦有玄真子綠蓑衣山僧自可
供軟語溪友亦足尋漁磯酒酣兩脚譌鼓舷人間
萬事如雲飛此樂於我苦相催我老不去胡為哉
歸去來歸去來廣津新漲葡萄醅

謝允上人送芒鞋

水鍾精舍壓龍江松雨霏霏洒石缸今日寄鞋應

有意相尋一去話禪窓

晚起

身閑不似早參時朝日三竿睡起遲知足一生能
不辱噬臍萬事亦何追乾坤俯仰身如粟歲月消
磨鬢欲絲瓦甕新醪今政熟澆腸時復兩三卮

述懷

愁時多慷慨醉後更顛狂身世堪衰白行藏信老
蒼兩催新筍長風送落花香地僻都無事扶筇立
晚涼

偶作

脫却朝衣已自閑勿教名利更相關廣津新水今
應漲短棹孤舟任往還

鏡中

鏡中雙鬢雪差峨遲暮還如謗議何自笑顛詩狂
李白誰憐多病老維摩半山雨氣雲邊盡深院風
聲竹外多頗覺安心是真藥由來宦海足風波

漫興

世事蒼茫獨倚樓半簾爽氣淡於秋幾番風雨芭
蕉老千古英雄惹愁早識世間皆妄想不知林
下有真休廣津山水今無恙欲買扁舟老白鷗

小醉對月有作

我欲鍊石補青天天無缺兮亦無偏我欲入海探
龍珠海無底兮亦無邊少年立志何龕豪畢竟獲
落如莊瓢萬事真成馬頭角途窮已刮龜背毛平

生欲與彌腰友悲歡得失都已篇高訝對月月不
落陶鑄乾坤一樽酒

病中夜吟

畏病還多病邀名亦累名燈爐書萬卷風雨夜三
更得句有真趣聞鷄非惡聲兒童方爛睡萬事不
關情

小園

一園深僻雨晴時杖屐閑行過短籬落日小風吹
滿袖玫瑰梢上轉鸞兒

對雨

霏霏芒種雨滴滴響疎簷旋覺渾身爽都消覆覆
炎荷心能倚蓋薑角欲抽尖小硯承殘溜濡毫凝

著潛

雨中

小雨連朝勢不休
獨吟危坐思悠悠
寧知白酒紅人面
却怪紅塵白我頭
頗信殘年無興味
極知世事有沉浮
祇今心跡誰能辨
觸忌何須敢轉喉

即事

胡牀小坐手携筇
慵病居然睡政濃
忽有瞥然何處雨
寒聲先到半庭松

對雨

清晝無人雨滴梧
袂衣扶坐對薰爐
一生淡泊天應賦
詩自清癯面亦癯

美人怨

當時美人顏色絕
風流才藝俱第一
宮中名冠三千選
出入自倚傾國色
青春安得鎮長好
紈扇秋風恩漸歇
洞房年年苦夜長
半幅鴛衾半分月
無金得買長門賦
杜鵑一聲階竹裂

園林

園林初霽雨杖屨
討清幽草愛抽書
帶花看映佛頭都
能詩遣日亦復酒
忘憂此興情奚適
歸歟老釣舟

詠雲

坐看浮雲生遠岑
東西南北遍侵尋
白衣蒼狗須臾事
不識無心或有心

小齋聞蛙

小齋如舫曲池清獨坐無言睡晚晴頗厭邇來人
聒耳亂蛙莫更送繁聲

即事二首

名宦無心客可麾捲簾終日面荷池閑吟懶睡餘
何事手抄唐詩課小兒
阿兒學字墨渾衫提腕時時為指南詩禮傳家非
所異老翁砥礪思難堪

寓懷

瞥眼光陰逐水流風塵萬事惹悠悠英雄亦嘆烏
三匝貴賤同歸貉一丘蜀道幾年長作客酒泉何
地可封侯如今百念成灰盡高卧元龍百尺樓

白晒

蕭疎一室冷於冰身世真成結夏僧一卷楞嚴慵
不讀閑燒楮拙暖騰騰

重午前二日

夏五書麟史天中又一年心如葛歎苦身似艾翁
懸綵索從來戲丹符不必傳明朝是重午開酒近
花前

寓嘆

功名十載走風塵萬事當頭混覆真自識胸中有
何物莫言天下無好人淵明高節曾因菊張翰歸
心不獨萼悔殺白頭迷止足悠悠出處暗悲辛

重午前一日

今朝五月四節序去堂堂老至病兼至日長愁亦

長開窻通竹色舉酒引荷香以此空消遣居然到
睡鄉

即事

池邊人靜燕爭泥踈柳參差落日低忽有隔墻聞
笑語鞦韆影落畫闌西

效阮步兵一日復一日

一日復一日一朝復一夕二氣亭毒之四序自成
錯物理因循環禍福相倚伏牽黃悲東門墮樓傷
金谷麒麟或不時鳳鳥亦衰德吾家有烈祖中聖
老徐邈蕩蕩醉鄉寬膠膠天地窄捨子將焉求九
原何可作

重午

飽經五十八端陽身世蹉跎白髮長艾帶盈腰隨
處見菖醪滿眼為誰香乍揮團扇消清暑試著輕
衫博嫩涼千古悠悠一炊黍無才有賦吊沅湘

即事

垂柳陰中近午天女娘多少戲秋千病翁無以酬
佳節小草題詩筆勢顛

幽居

閑居開小室傍柳出荒蹊老去偏憐子病來獨對
妻小風鵲頻噪細雨蛙亂啼欹枕不成睡鷄棲月
欲西

自詠

自笑平生骨相屯閑能成懶懶成真休嫌終日無

四佳詩集卷三
輪鞅所喜連旬不機巾托契曾深唯翹老絕交知
復有錢神焚香坐睡日亭午北牖清風如故人

初六日

無用於時政似蟾黃菖白酒與初酣頽然醉卧前
簷下閑看平林落月纖

几坐

几坐空堂靜無人晝政遲老猫眠就竹寒鵲語移
枝衰老身難健清羸病不支閑居曾有賦莫作四
愁詩

園中樂

四佳亭前多養竹四佳園中唯種藥種藥可却老
養竹能免俗四佳園亭日無事四佳老人頭半白

不有竹君藥君吾何歸高訝擊樽月不落

閑中即事

逍遙晚節欲何憑除却畷書百不能熟睡醒時雨
聲急高唵坐處花氣蒸柴門深閉曾揮客茶鼎開
時密約僧半岸綸巾敬枕卧有何塵事更相乘

夜有風雨聲有感

由來物理不平鳴一夜滿園風雨聲細撼紙窻初
睡覺旋搖木枕乍覩驚已知避謗先招謗必欲求
名亦誤名坐擁寒衾不成夢曉鷄聲裏又殘更

叙懷

須知時屈道難屈自笑身閑心不閑萬古英雄只
如此閉門杜笏看青山

思歸

故園無日不思歸心事依違歲月飛二字功名百
憂集一生出處三徑非茅簷低小山當戶江路磬
回水半扉昨日村僮來報導南溪花浪鰕兒肥

自笑

六十衰翁十歲兒此身堪笑亦堪悲縱然詩禮青
氈在身後流芳未可知

移菊

佳菊有至性英英無俗姿我愛一何深帶雨移東
籬待得花開時採採浮酒卮千載柴桑翁與我同
襟期

題畫屏八疊

黑雲飛過半山層落日昏昏雨氣仍客子蒼黃忙
底事閉門高卧愧高僧

右風雨圖

一絲風裊晚江潯老却漁磯歲月深矮馬長途是
何者不曾知我釣鼈心

右釣魚圖

長林隱隱又黃昏不見居人只見村宦路羊腸多
覆轍也宜終日閉柴門

右晚村圖

綠崖一徑樹陰齊過了前溪又後溪俯視鷺瀾深
幾許夕陽僧去短筇迷

右晚山圖

轟轟峯巒翠似堆遊人無數看山來江湖萬里天
無盡風送歸帆箇箇回

右遊山圖

江空水淨日暉暉古渡維舟人始歸
鼇頂風流何處會觴傳如羽馬如飛

右遊人圖

詩客雙肩聳似山蹇驢孤影雪蹒跚
可憐兩箇推敲空凍口唵殘徹骨寒

右雪行圖

懸空飛瀑散銀簾屋角無人掛酒帘
白塔三層何處寺樓臺隱映露雙岩

右野店圖

偶吟

海上歸徐福遼東老管寧
古人今寂寞老我自於
辨日日雲生嶺時時月可庭
還丹不可得石鼎煮
蓼苓

老馬行

老馬本是渥洼種毛骨非常神氣勇
過都歷塊蹄生風一過異北羣
俱空負重致遠裕所為一朝暫
蹶天下欺紛紛款段不足記
或時見之猶得意嗚呼蹶蹶
真可憐壯志亦復思三千不
如長為大倉鼠自飽自肥自
容與

姜晉山

景醇
希孟

李韓山

仲平

携酒見訪感而有

作

少年交契盡儒林生死浮沉只此心韓山望與晉
山重酒海寬於愁海深病後不知醺骨醉談餘亦
復挽髯嗔何須更撥我洋曲知我當年衆鑠金

寄水鍾允上人二首

龍津江上古招提我欲尋師去不迷兩耳莫聞塵
世事通宵坐聽杜鵑啼

山僧長與嶺雲閑長在山間不出山我隨紅塵空
白髮入山無計在人間

寓懷

蝸廬天地可容身時向晴窓一欠伸落日天長憐
倦鳥小池水淺感窮鱗傷時賈傅何須哭抱病相
如不諱貧頗覺閑中真趣在滿庭烏雀亦能馴

即事六言二首

老去吾知德衰愁來可以理遣尋常坐對聖賢左
右青編黃卷

歲月烏飛兔走功名夢迷酒醺遊戲日琴日書弛
張一武一文

夜雨

老屋殘更盡寒簷聞雨聲江湖千里興遊宦十年
情破壁燈猶暗虛窻紙獨明擁衾成小坐瘦骨聳
崢嶸

謾題

茆檐長掃淨無埃花落花開客不來香餅已傳隣
舍麥酸漿又報後園梅自憐衫袖風塵污無乃功

名造物猜老做世間無可一頗知詩法自安排

閑中書懷

邇來無復管朝衙况值殘年感物華
種晚生薑多病葉陰深小樹有殘花
無風池面澄澄鏡欲雨雲容點點鴉
晚倚曲闌成獨笑古今名宦似蒸砂

晚吟

小園深僻類江村楊柳池塘月一痕
可是主人無伴侶短筇無語立黃昏

夜吟

了無心事

對月高吟月落遲轉覺夜深香

滿袖藕花池上立多時

姜壯元國鈞承賓亡斌兄弟携酒見訪僕飲

四五杯大醉明日覺而有作

積雨久不晴抱病長惻惻交道日以踈
門巷可羅雀龍頭忝同榜駙馬曾下榻
玉壺綴金果相訪慰幽獨塵室久不掃
顛倒張几席呼兒具壺觴亦復開碁局
手談未云幾迭起為酬酢我飲三四杯
昏昏到醉域人生有知遇死生何足惜
因思少年時逢場恣權詭以此窮朝曛
痛飲如鯨吸枯腸不受酒老衰至此極
安能博長健百年相會合不見古時人
殷勤時秉燭

詠懷

雙鬢刁騷兩眼花浮雲世事任蹉跎
退飛已見風前鷓成病都因酒裏蛇
靖節有門堪種柳邵平何

地不耳瓜逢人莫說艱難事說得艱難恨轉加

題畫七首

山中古寺翠鼇顛山下茅廬三兩椽遠水似天天似水無人故渡橫小船

望盡江天四五峯小橋流水影如龍夕陽瓶錫僧尋寺寺在烟霞第幾重

閑雲歷歷多山中白白萬重青萬重記得去年讀書寺僧窻半夜聞松風

溪雲潑墨擁重巒雪片飛飛掌樣團茅店閉門人語少也應僵卧老袁安

夾岸松杉翠拂雲山中茅屋不閉門依然小樹江橋路想得吾家烟雨村

浮空積翠靄霏微老樹涵風怪欲飛頗識山中多雨勢溪橋落日客忙歸

空濛山氣翠浮空木老品奇細逕通南寺平看如北寺暮雲樓閣有無中

將如村墅三田渡中有作

樂天亭下箭郊路年去年來自烟雨晴川隱映漢陽樹落日微茫麻田渡我時艤舫渡江去青山鱗鱗好無數愁絕江南是何處歸來鮑昭斷腸賦

朝雨

朝來小雨細如縑清氣駸駸坐擁袍袁若有聲籠帽聽作詩無味隔靴搔艾醪已當羔兒酒砧唱猶勝鳳尾槽擊缶高誦拚小醉莫年意氣尚龐豪

晚吟
逕濕蒼苔竹影斜
寒林落日欲棲鴉
晚風獨立渾閑事
細數開花又落花

扶坐

清晨扶坐小窓間
寂寂柴扉盡日閑
清鏡功名悲白髮
浮雲身世戀青山
沉思萬事不如睡
斷送一生唯有閑
明日麻江搖艇去
竹溪深處聽潺湲

即事

五月園林雨氣深
梅黃如杏杏成金
百年時序悠悠盡
濁酒日長時一斟

自哂

萬卷圖書一盞燈
跏趺默坐似禪僧
頭顱如此真

堪笑面目由来最可憎
老去世情難料理
醉餘賸興更溘騰
少年空詫長楊賦
晚節寥寥是茂陵

對月飲茶

坐對半輪月為傾
三椀茶何由插兩翼
去賞天桂花

又吟

三更月不落
獨坐人未眠
莫恨此時缺
十分來夜圓

李掌令玉如來訪

憶昔重入長烏臺
自信平生慷慨才
白簡陳情明似日
青蒲論事疾於雷
今時諫諍多君盛
未路蹉跎愧我衰
萬事關心宜袖手
滿窓花雨侑深杯

寫扇面
執熱當年倚勢多，秋風颯爽轉蹉跎。
炎涼代謝尋常事，用舍悠悠奈若何。

獨坐書懷

蛙聲院落雨，簾纖捫虱詩。
書坐捲簾飽，闕入情風裏。
纛極知世味水中鹽，歸來擬學陶元亮。
憂樂會懷范仲淹，老病情懷空歲月，未應多愧老夫潛。

蓮塘晚吟

雨餘殘靄滴巾紗，晚立池塘數還鴉。
一陣長風雲散盡，月光和水浸荷花。

詠鬱金

春晚荒園種鬱金，森森五月欲抽簪。
秋來擬見高

千丈風雨聲中作鳳吟

洗姑嘆

予於江邊見一洗姑，容顏頗淨潔，忽陷泥淖中，羣兒聚笑感而有作。

江邊洗姑顏如花，小小澣統為生涯。
朝洗白足如雪色，暮洗白顏如霜華。
朝朝暮暮洗復洗，一身自潔心自多。
縹白白於冰，繭絲夜夜白月鳴。
寒梭織成織，綺裁為衣細於鮫。
綃輕越紗江之水，清且漪。日日澡雪無休時，洗罷淡粧照水底。
素娥讓潔羞江妃，忽有狂風天地黑。
塵沙漠漠迷所之，蒼黃顛倒泥潦中。
玉質已誤衣，復緝小娘出門待姑歸。
姑洗姑洗來何遲，姑歸小娘拍手笑醜惡。
不是吾家

施小娘年紀纔十三當時見事猶兒癡小娘小娘
莫笑姑此恨他年汝或知

夏日

生涯寥落不嫌貧烏帽白衫夏令新頗怪背人罵
語少自憐喚主燕來頻塵中虛老嵒中散谷口當
尋鄭子真五鼎一瓢何足問欲憑泉石寄閑身

漂母飯韓信圖

多君不用蒯生謀烏盡弓箠會有秋一飯恩讎人
莫笑當年亦有頽羹侯

張良請四皓圖

圯橋老眼識英雄惟慳當時第一功何事項顛羸
蹶後安劉竟賴紫芝翁

自詠

世事乘除理自然小窻危坐一爐烟龜會勿食猶
能壽櫟以不才亦自全有眼邇來花掩翳無心依
舊絮狂顛病餘只得安神法何處黃精可引年

題畫屏九首為李王如作

春深柳葉樾千重好向山中養得茸世上禍機隨
處足何妨變化作真龍

右鹿

春山深處自為羣麝氣氤氳草樹薰更待一二全
後白也須騎去訪真君

右麈

青山窈窕樹陰齊白月倒江猿夜啼記憶少年讀

書寺至今清夢使人迷

右猿

胡孫飛捷疾於鷹偷果攀枝性所能取捨物情難
自料杜陵曾覓柳州憎

右獼猴

寒瓜籬落兩狸奴日午雙睛纈似珠愛汝元來食
肉相可能驅盡鼠兒無

右猫

九竅從來性不迷中山穩睡草萋萋問渠底用營
三窟可向蟾宮得地栖

右兔

少日山中射獵行相逢野獸不知名畫中今又驚

相見毛肖非常亦異形

右無名獸

誰傳西果種江南至味深深蜜雪甜我抱十年司
馬渴披圖不覺墮涎饒

右西瓜

茄子彭亨瓜子長一時風味蓼花香依然攬我歸
田興白酒杯盤滿意嘗

右茄瓜

快晴對月

一簾風細快晴時徙倚闌干睡政遲雲掃長空萬
里靜月當三夜十分奇生前度老可無興醉後翰
林宜有詩天地容吾不寂寞此時此樂誰得知

夏日即事

破壁陰昏半上苔香殘古鼎只留灰滿池新水蛙
聲老坐數荷花開未開

閑中演雅一首錄奉玉如

竒數當年病未堪烏巾半岸雪盈簪餘齡自可龜
藏六拙計曾無兔窟三瘦骨人皆驚似鶴長眠自
晒老如蠶一廬蝸角乾坤小山雨頻來蟻戰酣

金錢花

天工造物巧應多鑄出金錢底樣花入閨排門元
有質看來却怕在貧家

耳聾

年來兩耳不分明聽得雷霆百不驚小雨朝回過

竹去誤聞童子讀書聲

憶村家

老去循環念念非至今身世尚依違閑中歲月渾
如醉夢裏家鄉不是歸點檢峯巒同我瘦商量筍
蕨為誰肥季鷹不待深秋去萬里孤帆疾似飛

題無盡亭

無盡亭下屋如斗無盡亭前江似酒落日欲沒西
山西廣陵歸客行路迷蹇驢孤影雙童隨兩脚鼓
鐙鞭倒垂君不見杜陵晚節多風流灤東灤西復
夔州熊兒捉轡驥兒扶千古浣花傳新蜀四佳老
人應前身仰天一笑山月新

寓興

圖書一室頗清貧
觀物悠悠趣自新
燕領虎頭徒自貴
龜毛兔角竟非真
愁來浮白功尤妙
老去還丹術不神
頗訝閑中多所得
天根月窟往來頻

幽居

癖得幽居興都無
外物嬰蛛絲骨破
壁鳥跡篆空庭
腐婢花能白
宜男草自青
佳蔬能滿眼
生理倚園丁

題畫十首六言

隱隱平林遠近悠悠
流水東西樓臺隱映
有無峯巒多小高低
兩崖雲山萬壘一區
茅屋數椽懸崖遙看
瀑布晚林何處繫船

架岩層樓傑閣依山
茅棟柴扉日暮釣船
來歸滿

江烟翠霏微

春山景物幽深遊騎
聯翩等閑樓臺插在
雲半石

徑斜出林端

何山多少僧寺此地
兩三村家芳郊快馬
春深極

浦歸帆日斜

滿山黑雲黯黯漫空
白雪毵毵誰家柴衡
長掩釣

船蓑笠興酣

高低丹崖翠嶂上下
雕闌畫船青帘沽酒
村店白

日談棋神仙

飛泉懸空似雪長橋
卧水如龍古寺巖回
木老一

徑水複山重

遠近山勢龍從上下雪色離披單僮匹馬者何忍
凍孤吟為誰

仙臺飛簾畫棟半山細雨斜風小橋流水泠泠歸
客有底念念

日長

杜陵有底願春遲我恨日長長夏時何似都忘塵
事了睡鄉深處醉無知

晚起小酌

家僮怪我起眠遲日上三竿尚不知意適何妨歌
枕卧身閑直到結繩時窩中自有安心樂天下應
無斷飲癡小坐擁衾慵盥擲澆腸聊復兩三卮
白髮自笑

揔說人間白髮公年來種種逼衰翁愁中更白三
千丈焉有人間白髮童

落花嘆

昨日花始落今日花又開昨日花政好今日花政
衰花開花謝真可悲勸君相賞當及時君不見花
邊歲月如奔流昨日少年今白頭

夏日酌酒

夏熱久聞如酷吏酒樽今復對賢人古來痛飲唯
犀首我亦三杯發興新

次韻琴同年以以謀寄

浮生同泛梗流序劇犇川南北相思夢悠悠又一
年

黃菊陶元亮丹砂葛稚川古人嗟已遠兀兀坐窮年

渴病同司馬茶詩憶玉川安心是靈藥自可保天

年
予與白雲隱上人別久矣未知存歿一日忽
來訪倒屣相迎引與之坐上人曰貧道入安
邊府悟道山二十三年于今入京師欲謁諸
縉紳求詩仍袖出一軸示予前日所作白雲
軒跋及閑極說讀之不覺悲喜語未畢上人
又告別還山遂賦近體三首贈行云

二十三年始見歸青瞳雖似鬢毛非袖中擎出故
人句身上弊餘慈母衣有可與言方外少得如心

事世間稀清談未了還相別悵望白雲何處飛
鐵嶺以東皆好山上人精舍最清閑三山咫尺連
雲外一路微茫落世間十年京洛求詩到萬壑烟
嵐拂袖還珍重煩師好歸去風塵無地可開顏
聞說招提歷海東地連長白勢竒雄龍歸仙島雲
猶黑鷄叫扶桑日已紅客自少來心亦靜山曾未
了水無窮我今不恨相分手恨不相隨學苦空

幽居即事

柳拂輕闌翠靄霏暑分清氣入巾衣時看翠鳥街
魚去低傍荷花故故飛

自笑

自笑零丁老病翁生涯寥落小窻中名途歷盡羊

腸路宦夢同經馬耳風深院日長鳥聲樂半天雲
盡潭影空香爐經卷跏趺坐大槩山僧結夏同

到夢村醉後登山望月綴筆

長風飽帆漢水急山中歸來酒初熟枯腸得酒亦
易醉雙耳鳴鳴興自足移樽飛上夢山顛偷眼東
峯對新月新月激灑生雲端水輪無角金波纈頰
史懸在中央九州四海皆清光舉杯問月月不
應顧兔笑我多清狂古今愛月皆儒仙騎鯨寥廓
猶千年赤壁何時舞玄鶴伯仲豪氣天下先一樽
袞袞江無窮今人古人將無同五夜深深月不落
四佳醉老頭半白

題畫三首

蒼崖人立水旋油老樹如龍倒蘸流我欲詩成君
試聽碧泓深處舞潛蚪
陰陰樹葉亂如雲坐撫瑤琴日欲曛一曲峩洋誰
解聽九原無處起鍾君
蒼官老去不知秋竹樹深深翠欲流小坐孤舟平
似屋一聲長笛晚江愁

漫題

苦恨平生見事遲悠悠身世鬢成絲如魚安得悠
然逝嘆鳳今猶甚矣衰處世人知無一可歸田自
信有三宜孤帆萬丈長風健不必行箴強問龜

夜雨

暑消三伏嫩涼生竹簟藤牀睡味清不覺夜涼都

是雨覺來猶聽滴蕉聲

戲書

肘後已藏殮玉法手中還抱鍊丹書從今擬學長

生術煮藥聲中髮百梳

閔斯文 送鯉魚寄詩依韻奉酬四首

雙鯉傳書日三旬抱病時滿盤飛鱠縷沽酒亦何

疑

人情非昔日物議異前時白璧悲和氏黃金愧不

疑

碌碌慙前輩悠悠負盛時人心如面異市虎亦成

疑

溪水初肥日鱸魚欲上時佛岩茅舍在歸去復奚

疑

紅藕詞

園池荷花前年盛開今年只開一花感而

有作

去年小池水長滿荷花千朶開滿眼今年小池水
半枯只有一花開亦晚去年對花傾金壘今年對
花復一杯花開動人不須多莫嘆今年花少開物
理盛衰本自然安知明年勝今年我願花開開萬
丈我願藕大大於船我騎藕船桂為楫上窮銀漢
下七澤芙蓉城中訪真君袖得長生不死訣他時
賀老勅賜鏡移我荷根數百柄畢竟花開三萬頃
舉酒對月時自慶

葵花

紅爛開時白半開大於盤面小於杯
憐渠本有傾陽戀浪藥浮花不是才

次韻李玉如掌令見寄三首

三重破屋補黃茅白首生涯未即拋
琴已無心絃亦斷碁曾具眼子頻敲
池荷得雨開紅藕階筍因風落粉
芭水足寒塘坐垂釣不知身世在江郊
踈髯撚斷費推敲身世如僧日打袍
三叫唐虞嗟世遠一時山阮是神交
魚曾極樂宜深水雲自無心出半
罄坐我斗升頭白盡十年長被北山嘲
萬事當頭付儘教虛名晚節未全拋
鏡中霜雪添雙鬢陌上風塵顛兩
散李白黃樓悲去鶴蘇仙赤

壁舞潛蛟邇來觀物能多少民物從前是與胞

閑中書所見三首

深院無人日自長羣童喧笑走如狂
庭前有箇蟠桃樹爭挽長條摘得嘗
婢兒小小面如灰菜圃前頭匝百回
擷得菜苗筐已滿菜花頭挿緩哥來
夏日當中政似焦園丁鋤草不知勞
飯餘大卧田中睡蓑笠當曾屋樣高

葡萄詩

我有葡萄三兩株高架引蔓走龍胡
濃陰滿地翠雲敷纍纍結子垂驪珠
甜於西瓜潤於酥一顆入口沉痾蘇
安得釀成萬斛酒我時日飲三百斗

飲洗我風塵十載之昏垢再飲瀉我胸中萬丈之
堆阜氣岸迥出陶劉右風流敢居王謝後生前豪
宕隘九有死後聲名傳不朽君不見昔時少年顏
已厚一生只解謀十口斗酒竟博涼州綬

自詠

水亭孤絕小於船拄笏看山又一年歲月屢驚羊
胛熟功名曾怕虎鬚編家聲不負狂徐邈擲散真
成老鄭虔晚節優游真得計竹林深處醉頽然

寄傲

寄傲南窓自一天閑來喫酒醉來眠鷄蟲得失皆
聊尔鵬鷁逍遙亦自然身外極知都夢想人間寧
復有神仙十年世路茫如海細讀南華内外篇

醉題

白頭身世尚兒孩與世參差足冷哈衆口鑠金元
細事一心全璧是雄才功名畢竟邯鄲國世路間
関氾預堆物理細推行樂耳藕花開處醉傳杯

憶夢村

山中矮屋小於舟麥餅新香酒亦柔水漲前江歸
不得一番風雨一番愁

後薄薄酒

薄薄酒醜醜婦薄薄酒醜婦世常有物性由來有厚
薄人生安得無妍醜所以醜婦可齊眉所以薄酒
可謀口孟光舉案配伯鸞無益如漆作齊后杜陵
白醪千憂散愁君濁酒所願畢不必吳姬越女可

薦枕不必玉蛆霞液可供樂勸君勿醜婦醜醜勸
君勿薄酒薄薄古來美酒伐人性未有哲婦不亡
國君不見糟丘臺前秋月白姑蘇城外春草綠

晚吟

小小蓮塘水拍軒憑闌終日滌襟煩松聲正挾風
聲細山氣全憑雨氣昏飽閱世情多冷暖坐觀時
序自寒暄浮生百歲醒無用欲典朝衫買酒樽

寓懷

不知終稅駕何幸得休官身老才名減君恩去就
難麒麟踰我分鷗鳥已盟寒滿院皆松竹相期歲
暮看

夜塗

一年強半病相仍瘦骨崢嶸短髮鬢宦夢淒涼三
夜雨交遊零落十年燈題詩紅婢那能解熟睡青
奴此可憑欲學香山老居士殘年結社共高僧

高同隣台弱用僕前日述懷詩韻見寄復依

韻奉酬三首

齒蓄池塘月一纖曲闌斜倚捲疎簾停杯且進謫
仙酒調鼎先思殷佐藍靜裏江山真自適愁邊歲
月苦難淹浮生寂寞憑誰遣休晒楊雄晚著潛
日高槐影綠雲屯日涉園林趣自真脚健有餘頻
杖履身閑無事懶衣巾白頭半世渾迷夢玄牝何
年學谷神間閑相從尊酒在時時扶醉倩傍人
骨相慙非退急流平生出處大悠悠依違忍使荒

三徑歸去終當老一丘世事真成炊黍夢人情宜
鑑頡羹侯閑吟盡日渾無事獨對青山不下樓

金僉知

貴枝

携燒酒見訪

今年三伏雨無風門掩蒼苔寂寞中白髮舊僚來
慰我兩壺燒酒思無窮

觀漲

昨日漢江綠如釀今日漢江飛白浪白浪差我銀
闕壯蛟龍負負爭俯仰我昔風流搖畫舫牙檣錦
纜流蕩漾美人滿座皆宮樣金甕葡萄酒春盎當
時細細桃花漲波恬日淨風一飴今日駭浪千萬
狀我遙見之心膽喪嗚呼昔日安流今奔放宦海
風波安可量我頭長風掃昏瘴白日蕩蕩天地曠

與君觴詠江樓上待看新月生青嶂雲山蒼蒼鬱
相望我思美人空惆悵

再用前韻錄奉高鴻樞三首

微風院落雨纖纖坐愛荷花不下簾欲學著書空
幕醬何曾得句解稱盃金樽影落青山近玉子聲
高白日澹且莫臨池照衰鬢此間應有老蚪潛
聖上龍飛濟世屯英雄籌策自天真才疎傳說調
羹鼎閑學陶潛漉酒巾老去容顏多矍鑠興來詩
酒亦精神百年里閑交遊在知復今人似古人
閑中詩酒亦風流過眼蒼茫歲月悠宦路多時行
劍閣醉鄉無地不糟丘功名晚節慙疏廣出處何
人似武侯回首故園空悵望滿簾斜日獨登樓

四佳詩集卷之二十八

四佳詩集卷之二十八

